

jungunt, vtpote : Corpus, Anima, & spiritus. Iccirco  
haud immerito cum ouo aliquo comparatur, ac etiam ita  
nuncupatur: Quemadmodum enim ex tribus, ex quibus  
ouum conjunctum est, pullus nascitur: ita quoq; Alchy-  
mia nascitur ex supra dictis istis tribus, id quod in Turba  
multi Philosophi testantur. Mas, vel aqua, etiam ap-  
pellatur natura : Aqua enim est natura, quæ elementa in  
corporibus, cum ipsorum regimine superant, & tamen  
iterum copulat, atque in vnum reducit. De aqua ait Fi-  
ctes: ô naturam hujus rei, quomodo illa transmutat cor-  
pus in aliquem spiritum! ô mirabilem admodum natu-  
ram! Quomodo venit, & adparebit sola, res omnis  
vincit, & est præstans, amarum, acerbumque acetum,  
quod aurum ad spiritū merum redigit. Absque isto ace-  
to nihil fieri potest, neque rubrum, nigrum, vel album.  
Et scitote, quando cum corporibus commiscetur, tunc  
corpus commutat in aliquem spiritum, idque igne quo-  
dam cœlesti, & Tinctura immutabili, quæ nequit destrui  
&c. Scitote quod, ad originem commixtionis, pura ju-  
stificataque elementa in leui quodam igne colligantur,  
fortis tamen ignis tam diu præcaueatur, donec elemen-  
ta in vnum reducantur, seque interea in leni quodam  
igne sequantur & complectantur. Scitote etiam quod  
vnum alterum comburat atque consumat, & vnum, vi-  
ce versa, alterum confortet, atque, apud ignem perseue-  
rare doceat. Elementa quoque, diligenter cocta, lœtan-  
turi, & in peregrinam aliquam naturam transmutantur,  
ideo quod adfluxum, tamquam caput, & influxibile est  
humiditas, crassum siccumque corpus est spiritus: tin-  
gens vero spiritus fortis apud ignem athleta est. Iccirco

Iii 2

dicunt